

會澤靖國文牘卷四

目錄

致復湖北靖國聯軍黎總司令天才等電

其二

其三

其四

其五

其六

其七

其八

其九

其十

十一

十二

十三

十四

十五

十六

十七

致復援鄂軍滇軍葉軍長電

其二

其三

致復援鄂援陝河南靖國聯軍王總司令天縱電

其二

其三

其四

其五

其六

致復援湘桂軍譚總司令等電

其二

其三

其四

其五

其六

其七

致復湘軍程總司令電

其二

其三

其四

其五

其六

其七

其八

致復湘西靖國聯軍各總司令電

其二

其三
其四
其五
其六
其七
其八
其九
其十
十一
十二
十三
十四

十五

致復援湘駐粵滇軍各將領電

其二

其三

其四

其五

其六

致復援陝川滇聯軍各將領電

其二

其三

其四

其五

- 其六
其七
其八
其九
其十
十一
十二
十三
十四
十五
十六

關於赴渝會師分援各省致復兩粵各處要人電

其二

其三

其四

其五

其六

其七

其八

其九

其十

十一

十二

十三

十四

十五

十六

十七

十八

以指揮援助各事致復黔川督軍將領等電

其二

其三

其四

其五

其六

其七

其八

其九

其十

十一

十二

致復湖北靖國聯軍黎總司令天才等電

夔州送湖北靖國聯軍黎總司令并轉唐總司令鑒定密敬電悉承推堯爲滇黔川鄂聯軍總司令自惟心餘力絀於鄂西方面兼顧難周以致敵勢披猖未能迅圖恢復然無論如何均應量力之所能及力予補助以竟全功兩君轉戰鄂疆堅苦卓絕夙所嘉佩黎君改稱湖北靖國聯軍總司令仍兼領第一軍唐君仍爲湖北靖國第一軍總司令均所贊同希即奮勵艱難共圖匡復實所欣企

其二

歸州王團長轉黎總司令鑒鄂密真刪兩電均悉過承獎飭感悚逾恒至刪電所論懇摯之言尤爲佩仰西南此次出師本爲護法但期法律得復効力此外又復何求尊電所謂爲法用兵法伸則已之言實獲我心前聯合會有議和代表之設亦以法律苟有正當之解決本不欲黷武窮兵乃北京忽而言和忽而主戰前聞派兵南下此間即去電力破其非既而荆襄被兵因川中戰事方殷未能抽兵應援甚爲抱歉如大局尙無

解決之望無論如何困難必分兵東下從諸公戮力中原也

其三

襄陽黎總司令鑒華密魚電悉北京方下布告主張和平乃曹軍既襲唐鎮奉軍復攻襄樊實屬釁自彼開不能不痛予攻擊除電催譚總司令速攻岳州遙爲策應外並希與荊州石總司令及公安監利各處張總司令胡招撫使等互相聯絡以厚聲援此間聯軍攻克榮昌隆昌順慶遂寧璧山大足等縣現正由寧順內江資中各方面進取成都俟川局稍定即當率師東下矣前方情形仍望隨時示知爲盼

其四

萬火急歸州轉黎總司令鑒成密卅電悉此間迭催葉軍迅速赴援日內計已出發茲接來電復經嚴催矣行營子彈所存無多且恐緩不濟急已電飭重慶黃總司令就近撥濟特復

其五

歸州黎總司令鑒成密歌電悉前接譚總司令來電略謂以地形之關係退出長沙暫駐衡陽稍事修養復圖進取等語現長沙雖入敵手仍無礙於大局來電謂襄樊空虛揮手可取從此逕奪武勝斷其交通使敵首尾不能兼顧深謀遠識自是勝算所需子彈已催熊督迅速撥濟矣並聞

其六

歸州黎總司令鑒雄密得巧電知石軍舊部龍旅長佔領荆川進攻當遠無任欣慰現葉軍既抵秭歸合力進取不難計日克敵尙冀激勵士卒早挫敵氛是所切望至子彈一節迭經電令熊黃接濟現均急切未能籌運此間子彈本屬無多惟貴軍需用正急只有由畢節設法酌解特此奉復

其七

十萬急歸州黎總司令鑒有電悉貴軍於廿四日分路進攻宜昌以執事之勇略計日必能奏效此間已飛飭援鄂各軍尅日東下應援也此復

其八

萬急歸州轉黎總司令鑒雄密刪電悉敵軍注重湘西此間亦早慮及已先派重兵分扼辰沅黔彭一帶以遏敵鋒至宜昌方面迭催葉軍速進會攻昨來電已由夔府進發矣尊處所需彈藥正飭課趕速運濟以應急需特此奉復

其九

巫山黎總司令覽雄密卅一電悉我軍攻巴斃敵無數甚慰所請飭田旅增援已再飛電切催趙顧兩軍長迅飭該旅率隊東下增援矣

其十

夔州黎總司令鑒聯密感電悉段派剛愎自用賣國圖逞值此和議期間假借外援擴充軍實增兵窺陝居心實屬險毒此間一面嚴詰北庭一面統籌準備若果陝事問題不能解決和局萬一破裂自應督飭各軍大張撻伐以達我最後之目的陝西防務未弛辦理悉合機宜應仍督勵各軍嚴整以待無稍疎懈至補充械彈增援軍旅各節一

俟和平無望自應酌量接濟特此電復希即查照

十一

夔州黎總司令鑒聯密皓電悉唐總司令所部本屬該聯軍總司令指揮所有防務事宜自應秉承該總司令辦理此間已電令唐總司令查照矣特復

十二

施南唐總司令覽新威密鄂西軍隊原屬黎聯軍總司令節制指揮以後該軍關於防務事宜應秉承黎總司令辦理以期便利而免紛歧希即查照

十三

夔州黎聯軍總司令鑒新威密施南唐軍昨經電令統歸執事節制以一指揮茲據復稱敬電奉悉竊查屬軍自荊州自主以來即推戴黎公一聽節制雖荆襄失守彼此蹉跎音問不通各自爲戰初未嘗稍示歧異獨樹一幟泊移駐施鶴相去匪遙稟承更易經年於役固無一不惟黎公之命令是從良以公義私情兩俱應爾也茲奉鈞諭嗣當

益加虔恪無負厚望臨電悚惶伏維鑒照克明叩感印等語特轉行知照辦理

十四

夔州轉唐總司令柏總指揮鑒威密頃接感電具悉鄂兵進規鶴峯等情此間前得川中來電有北方劃鄂西在停戰以外之說當經電詰李純茲據覆稱已電詢鄂督據稱停戰以來即飭前綫恪守原防並無合軍圍攻之事惟鶴峯毗連西南早經鄂省委派知事詎自上月十九日復有軍隊入城遂官勒款毫無軍紀正在切實調查是否南軍抑爲土匪假託一面派隊扼守五峯以防鶴峯敵軍下竄豈肯以一隅爭執作和議之梗阻違寧息之初衷鄙意唐督既誠意謀和當即查明現在鶴峯係屬何軍仍令撤回原防勿再輕動鄂省亦即令飭所部決不進逼以免彼此誤會等語查我鄂軍佔領鶴峯是否停戰以前務望嚴守原防勿輕啟釁以免藉口是所切囑

十五

夔州黎總司令并轉唐總司令鑒威密來電悉此間前得王占元進攻鶴峯之報告當

已嚴詰北庭據稱上月十九日突有軍隊進據鶴峯遂官勒款請飭該軍退回原否
即派兵剿辦等語明係藉詞挑釁當已嚴電駁以我軍佔領在鶴峯係在停戰以前之事
倘王仍欲逞其野心則是有意破壞應即嚴兵拒守免爲所乘是所切囑

十六

夔州轉唐總司令克明覽威密頃接感電意氣懃懃肝膽相傾至爲紐感執事高義薄
雲艱難巨戰現雖和平議倡而閩陝問題尙未解決自不得不懲前毖後陰爲之備昨
與軍政府磋商鄂西善後大綱恢復黎君襄鄖鎮守職務鄂靖國軍至少編兩師四混
成旅執事仍任第一師師長餉項歸中央擔給如有未盡事宜希即見示以便續商提
出國家多故後患方殷尙望淬勵精神同心救國實深企竚

十七

急夔州黎總司令轉唐總司令覽箇電悉鶴峯一隅前接鄂督電商要求讓出劃界防
守以免接近而滋誤會等語當即轉電黎總司令電商鄂西各軍妥議具復昨據黎總

司令電稱奉令後已令唐總司令將鶴峯退出擇地防守云云當經電知鄂督將鶴峯一隅劃爲中立地點雙方分區扼守勿相踰越茲據電陳各節似鶴峯尙未退出實與前後辦法殊不一致應由該總司令查照黎總司令前電迅將鶴峯退出擇要嚴守靜待解決勿相接觸致貽口實是爲切要並將退出日期電復爲要

致復援鄂軍慎軍葉軍長電

萬火急巫山轉葉軍長覽威密敬電悉該軍進攻巴東業經戰鬪開始務須相機穩進勿稍疏虞所需子彈已催又新速濟並電錦帆小齋轉飭田旅劉團分別策應矣特復

其二

萬飛急巫山葉行營轉葉軍長覽威密宥感亥艷電均悉施建方面唐柏各軍兵力頗單恐不足以當勁敵此間已催熊黃專務劉團方隊迅速增援據黃復生電稱方化南於養日抵萬已飭速出利川至子彈一項現據又新電稱已飭小齋飭楊蘭兩團尅日開拔順便到瀘運濟等語計日內當已起程我軍攻巴業已深入而後路接濟種種

難每接來電實深系念仍望督率將士穩慎攻守是所切囑

其三

萬急巫山葉軍長覽石密陝西靖國軍盼援甚切而各路援陝軍隊迄未出師現擬派姚維藩酌帶滇軍一部並統率王天縱部隊由興安出陝惟王部駐紮區域應由該軍派隊接防免有疏虞希即迅速酌定接防日期先行電復以便分飭遵照切盼

致復援鄂陝河南靖國聯軍王總司令天縱電

急重慶飛轉河南靖國聯軍王天縱總司令覽威密養電悉劉世傑黨子清范三福等聞風響應佔領鄭均足爲我援陝軍之聲援而牽鄂省之敵勢聞之甚爲欣慰已飭援陝各路乘機猛進矣此間擬派滇軍一部交維藩率赴渝城與執事所部聯合出陝以便號召豪傑戡定關中昨已囑維藩電商卓見如何尙希酌復

其二

重慶王總司令天縱覽養電悉所言二大端蓋畫宏謨循覽再三至深佩慰組織統一

機關前經擬定辦法通電各省徵求意見往復商榷具有端倪當可見諸實事川鄂軍事不可無統一指揮之人俟到渝後再爲酌定至貴部餉彈俱乏刻已電熊督接濟餉項並飭趙軍長鳳喈由解濟葉軍子彈先行酌撥執事勇略過人夙所欽佩此次起義中州轉戰川鄂勞績卓著祇以敵衆我寡致歸巴小有蹉跌目前得失何足介懷執事擬來營面商各情此間亦甚願披懷相晤惟渝畢相距太遠此間不久仍須赴渝目前情形希就近與王電輪總司令商辦

其二

急重慶探送王總司令天縱覽東電悉養電已於江日奉復此間對於執事倚重甚殷此次與師靖國薄海同仇凡有同堅義旗者莫不引爲心膂互相提挈况執事忠義奮發勇略過人經略中原正資擘畫承示餉項奇絀昨經電熊督迅予撥濟子彈亦由趙軍長解濟者先行酌撥仍希將所有槍枝種類電示以便再由此間運濟也特復

其四

萬急重慶探送王總司令天縱覽借威密真寒兩電悉執事兵以義動不憚艱辛各將士血戰巴東前仆後繼義勇之狀令人欽感局外浮言不足介意至所需子彈除七米釐九及六米釐五此間現無存儲外餘已飭課迅速運濟並再電熊督酌撥餉項以濟急需矣巫山戰况殊堪顧慮已嚴令田旅進援昨接顧軍長電該部已於九號由省內出發日內計可集中渝城知注並及

其五

萬火急重慶探轉王天縱總司令覽威密麻電悉執事願率部接陝熱忱至可感佩至集中地點以夔府爲宜惟該部現在巫山下游亦關緊要應候令葉軍派兵填紮以免疏虞葉軍未接防以前該部不宜遽行開拔昨已電飭葉軍酌派接防隊伍俟得復後再將該軍調集時期及地點用明令分別電知可也姚參議啟行日期俟確定再電

其六

急夔州探轉王總司令天縱覽威密前據電請將巫山方面軍隊集中夔州準備接陝

當以該部現在巫山能否撤防電詢葉軍長查復在案茲據復稱王總司令所部移師接陝自可另派軍隊立即接防等語該總司令應即將所部調赴夔州集中整頓聽候後命除分電滇川黔各軍外仰即遵照

致復援湘桂軍譚總司令等電

長沙譚總司令鑒徑電悉迭接荆襄來電急盼聲援此間因劉逆團結叛軍抵死抗拒現正在激戰中未能分兵東出頃已電催駐粵滇軍張開儒一師急趨夔州策應荆襄但恐緩不濟急尊處已開始攻擊岳州迭獲勝利必能牽制敵勢藉解荆襄之危尙乞積極進行是所切禱此間俟叙府資中下後敵勢不能復振當速分部隊下窺宜昌也

其二

譚行營譚總司令鑒成密齊電悉辱承獎飾感悚奚如此次敵逆猛勇進犯均經貴軍擊退岳州方面當可無虞援鄂軍隊葉軍所部准於皓日出發黃軍尙未來電已迭催尅日出師矣知注復聞

其三

十萬火急長沙譚聯軍總司令巴東轉黎總司令鑒成密月公有冬兩電悉岳州戰事已開尊處擬專取攻勢以爲一鼓而下之計極合機宜此間亦正抽調滇川黔各一混成旅編爲援鄂軍尅日東下惟川事甫定整頓略需時日望輔公先取宜昌此間已催熊顧兩君將援軍迅速組成即時進發堯亦准於日內進駐重慶以便指揮也

其四

萬急長沙譚聯軍總司令並轉鈕總參謀長鑒固密蒸江電悉逆軍麇集武漢分出荆沙進犯岳州重開戰禍南方自應同心戮力共掃逆氛此間因蜀事甫平正擬大舉分出陝鄂惟各師散處調集需時已先令黃復生袁祖銘各部先行東下並令顧品珍抽調一師繼續進發繼堯亦准於日內進駐渝城以便爲各方策應特先奉聞

其五

衡州探轉譚總司令鑒成密有電悉此次岳長失利實緣衆寡易勢我先機移營絲

毫末損良用欣慰况軍心尙奮不難力圖恢復此間已派兵東下助攻宜昌以牽敵勢
尤望我公激勵所屬同心殲敵爲盼

其六

衡州探送譚聯軍總司令鑒新成密佳電悉敵軍進逼勢所必至辰沅黔彭一帶此間
已派兵扼守遙爲聲援至宜昌方面迭催葉軍速進會攻昨接來電已由夔府進發矣
計日內當協同黎王所部會攻宜昌聞鄂軍王安瀾劉公兩軍亦協力助攻想宜昌不
難得手也承注奉復

其七

永州譚聯軍總司令鑒新成密艷電悉吳已通電反對段氏及蔣楊春普之電通告全
國可見我護法軍興師以義動公理所在人心從同然非我兄以大義相感亦安能幡
然覺悟爲是釜底抽薪之舉現在情勢既與主張攻湘時不同自應暫取守勢以觀其
變湘西方面亦已飭前敵各軍勒兵待命如果主戰派凜於衆叛親離稍戢野心亦何

不可息兵安民藉延國脈後事如何尙望隨時見教共取進止堯篠日抵渝各路將領均已與會正在籌議進行特以奉告

致復湘軍程總司令電

萬火急岳州程總司令鑒成密檢電悉川事搶攘經年僅乃戡定辱承推許慙慙滋深北軍窺我岳州相逼太甚自不能再接再厲大挫敵鋒此間組織滇川黔聯軍援鄂軍已令第一路先率所部尅期東下其後續部隊及出陝之師亦正積極整頓分道進發至方韻松張藻林兩處前經電令向湘鄂增援如能早日成行亦略可厚我兵力矣近日戰况如何乞隨時見示

其二

十萬火急岳州程總司令鑒成密寒敬兩電悉南方以國事艱危未堪多難苟有一線和平之望無不委曲求全乃敵軍仍着着進行竟於感日復開戰費不惜以國家爲孤注視人民如土苴尙祈我公督率前敵各軍迎頭痛擊繼堯定於三數日內進駐渝城

續編鄂軍大舉東下並電駐粵滇軍張方兩師直趨湘鄂分道增援矣知注奉聞
其二

十萬火急岳州程總司令鑒頌密江魚兩電悉敵以全力進犯岳州我公力與相持迭獲勝利殊深佩慰惟敵衆我寡逆勢頗張各軍亟應進援以分敵勢此間現正編援鄂軍惟部隊散處猝難調集已電令黃復生迅率所部先行出發並令袁祖銘一師集中川東顧品珍亦抽調一師繼續進發特先奉聞

其四

萬火急岳州程總司令鑒成密佳電悉此間所派東下之靖國第一軍昨經改爲援鄂軍第一路因兵力稍薄並委葉荃爲第二路總司令均飭令尅日東下以資聲援其第三路袁祖銘第四路田鍾毅亦正整備出發茲接電示復馳電嚴催矣特此奉復

其五

十萬火急岳州程總司令長沙譚聯軍總司令南寧陸巡閱使分送廣東莫督軍陳聯

軍總司令汕頭陳總司令上海岑西林先生貴陽劉督軍成都熊督軍鑾成密頌公文
電悉岳州棺穀兩湖關係西南甚鉅戰事緊急亟宜迅速增援此間已編援鄂軍迭催
對期東下惟川事甫定匪勢尙張各軍分防抽調不易且川中軍隊轉戰經年損耗甚
多亦須補充整頓以致援鄂之命早下而急切未能出師每聞戰訊十分焦急茲復嚴
催黃復生葉荃兩軍先行開拔並令王文華顧品珍飛飭袁祖銘田鍾毅等迅率所部
集中渝城繼續進發矣仍請頌公激勵將士協力堅持至爲盼禱

其六

十萬火急衡州程總司令並轉趙劉林各司令鑒新成密艷電悉貴軍以戰略關係安
全退守衡寶一帶稍事整頓不難恢復岳岳長承示所謀補救數端極關重要經此一次
經驗未始非西南發展之機如果能親出督師尤能振作士氣此間決定進駐重慶藉
便指揮援鄂之師已次第東下至出陝軍隊因劉存厚屯聚廣元復有動搖之象已飭
客軍迅掃餘氛即出關陝至組織統一機關事近日迭將繼堯意見通電奉商並希公

酌

其七

萬急邗陽程總司令鑒新成密宥電悉此次攻攸之軍連獲大捷俘斬甚衆奪獲器械無算現在乘勝追擊進逼醴陵聞之至深慶幸北軍大舉南犯勢饒甚張經此一番掃蕩不難迅予殲除果能各軍同時進擊則互相犄角收效自宏此間前已嚴催各路援軍迅速進發黔軍盧燾所部已到辰州滇軍葉荃所部亦已與黎王會攻宜昌惟敵援大增抄襲歸巴後路現在添派軍隊東下增援總期與諸君戮力同心共夷國難特先馳賀佇候捷音

其八

郴州程總司令鑒新成密電執事盡瘁積勞去志堅決殊深廬系此時國難方殷郴桂居天下上游爲西南屏蔽尙望砥柱中流力膺艱鉅倡義以來惟我各方同志堅苦支撐患難與共若違高蹈遠引揆諸潔身遠權之素志則得矣其如影響大局何甚願執

事與組安厚相扶植共圖匡濟毋以推讓爲美也堯現輕騎赴渝召集軍事會議本日已抵綦江尙希時賜教言爲盼

致復湘西靖國聯軍各總司令電

急貴陽劉督軍轉常德周司令辰州盧旅長鑒成密周總司令真電悉益陽臨澧相繼失守湘西防務益形喫緊漢壽安化溆浦各縣既由周總司令節節設防希轉囑鳳丹固守常德切勿輕棄希盧旅長扼守辰關相機策應田周各軍是所切盼此間援鄂第一二路葉軍率黎王所部進攻巴東現正相持已派田旅東下增援知注并復

其二

常德探送田鎮守使鳳丹鑒義密有電悉岳州失守敵勢益張黎軍攻宜日久未下湘鄂戰事關係全局此間所派援鄂之師已次第東下堯亦不日赴渝以便指揮也此復

其三

萬急桃源探送田周兩司令鑒艷電悉陳復初王正雅等附逆犯順分道進攻得兩公

督率義師迭摧勁敵閱各團營長捷報欣慰殊深現既克復常城尙希乘勝進擊掃蕩逆氛是所至盼此間已催黔軍盧旅將全部進駐辰州與諸君協力辦賊並令黔軍繼續前進策應湘西務希執事督飭所部認真防範是所切盼

其四

萬急常德田總司令鑒義密江電悉長岳雖失仍於大局無礙現桂軍固守衡寶一帶力圖反攻宜昌方面此間已派援鄂軍第二路先行東下協助並派第一路與黔軍出湘西互相聲援矣尊處兵力稍單然士氣頗旺尙希與周司令激勵將士毅力堅持西南義軍斷無不振之理竊願與諸君共勉之

其五

十萬急常德田總司令鑒成密青電悉貴部進攻澧州奪獲槍械物品甚多敵饑大摧不難撲滅此間所派援鄂軍第二路葉總司令與黎王各軍會攻宜昌迭獲勝利宜昌已計日可下乃敵軍復分三路抄襲後方黎王兩軍因廻顧後路兵力稍分現已將側

方敵軍擊退擬仍并力進攻此間亦派第三第四兩路飛速增援以期早拔彝陵分途進取又湘桂聯軍攻克攸縣斃敵數千奪獲飛機三架機關槍三十餘挺步槍千餘枝子彈數百萬敵軍潰敗幾不成軍并以附聞

其六

急常德周司令則范鑒崔代表到接奉惠函並面述一切具譖我兄見愛之誠自岳長失陷湘西方面尤關重要我兄以義軍橫遏敵鋒屹然爲西南屏蔽凡屬袍澤佩慰同深此間前曾派兵分援陝鄂近因局勢稍變亦頗注重湘西已會商黔督派盧燾一旅下扼辰州並派黔軍一二兩師分駐南川秀酉黔彭及夔萬涪渝一帶期與貴軍互相策應協力進行現在段復登臺戰局益難結束我護法團體應沉濯一氣以奠國基尊處情形尙希隨時見示此間力所能及自必互相扶持也特先電復餘當與崔代表詳商

其七

急常德田周兩司令鑒成密濛電悉中日密約條件甚苛前經會同伍秩庸陸幹卿諸公電阻河間簽字並與西南各省會電北京略謂如能不簽亡國之約由各省派員善後會議解決法律政治諸問題自當即行停戰以聽國民之裁判等語意在和平解決時局以救國危日內計已電達北京大局或有轉圓之望惟此事未定以前仍須積極進行在大敵當前我不可一刻稍懈也此間所派出湘出鄂各路軍隊仍照原定計畫進行並與如舟督軍協商設法接濟尊處彈藥望毅力堅持是所切盼

其八

辰州張總司令鑒成密洽電悉頃接通電擬加入滇黔川聯軍當經通電承認至酌定名義一節均可照辦惟湘西各部隊組織情形此間未能詳悉遽定名義或有錯誤應請先由執事酌擬辦法詳悉密示以便發表又此間軍隊大概分爲靖國聯軍雲南第幾軍四川第幾軍貴州第幾軍等名義貴處似可照辦並以奉聞

其九

辰州張總司令鑒成密銜電悉敵軍進窺辰庸防務尤爲喫緊執事派易張各軍營分駐四都坪熊臂岩等處復派向團進駐王村並由李支隊劉胡兩部分紮各要隘處置甚爲適宜此間已電令駐粵滇軍旅長盛榮超率十一卅二兩團援湘已於五月養日出發又電駐川黔軍王總司令派隊向湘西增援據稱已飭李師長雁賓準備一旅出發望督率各部努力堅持并希轉達田周胡謝各司令爲盼

其十

辰州張總司令鑒成密銜電悉據探稱敵分三路進攻情形殊深懸系現黔軍王總司令准備派一旅進援永龍已催令迅速開拔駐粵滇軍亦派盛榮超一旅援湘已出發在途即并力扼險堅守待援并轉知各軍是所切囑

十一

急辰州張總司令鑒成密宥電悉湘西各軍已加入靖國聯軍自應酌定名義即照所擬以執事及謝君爲湘南第二軍總副司令今以田胡兩君爲湘南第一軍總司令並

以胡瑛君爲第二軍招撫使已另電發表至湘西各軍分設軍政民政兩署以謀統一自係出於不得已之情形但此係湘西內部組織機關祇宜由諸君分別擔任而不便由此間加委致有干涉湘省內政之嫌希轉達見諒盧燾任總指揮事曾電商如公以爲事實上亦多窒礙並以奉聞

十一

辰州張總司令并轉謝胡副司令鑒成密湘西各軍既加入滇川黔聯軍應取一致動作惟程途迂遠電報往來有悞事機劉督軍相距較近情形較熟以後如遇事機緊迫時應先逕電該處就近核示辦理以免稽遲而期便利是所切囑

十二

辰州分送田張謝胡林各總司令覽成密聞湘西各軍有招集股匪擴充兵力之事查匪人桀滑性成絕不可使且到處騷擾有關軍魯川省迭受其害馴至不可收拾湘宜引爲前鑒免致貽害地方是所切囑

十四

急貴陽劉督軍轉朱慰問使香溪鑒威密如公轉來二十一日電悉湘西軍隊內部紛歧得該使調和漸收統一之效裨益大局良非淺鮮前接電輪來電已準備一旅增接惟到湘尚須時日望轉囑各軍協力堅守頃接田張兩司令電以湘西各軍號令不一戰守俱難現集議統一辦法照湘兩例分設湘西軍民兩署以應詔長軍政以學濟長民政等語湘西此等辦法是否相宜望體察情形詳悉示覆尊意擬組織慰問使簡單機關自可照辦希即自刊關防啟用可也

十五

貴陽劉督軍并轉鳳凰廳朱慰問使鑒密篠日轉寄香溪成電悉湘西諸軍紛雜情形深可顧慮香溪能自領一軍爲湘西中堅以謀收束整理豈不甚善惟此時滇黔軍實難分撥且恐緩不濟急應俟到渝會議後再爲決定禁止招匪已得張學濟復電遵行餘尙未復請由如公再聯名切電諄囑爲盼

致復援湘駐粵滇軍各將領電

萬急廣東莫督軍李協和先生方韻松軍長鑒接月頌兩公電敵軍復於感日分道進攻已飭前敵迎頭痛擊惟敵衆我寡乞諸公迅籌應援並擬請方韻松所部之伍毓橋君一旅限期開拔來湘餉項懇日公撥發等語查方軍攻閩尙未出發似宜移緩就急先行援湘尙乞諸公協商速決繼堯亦擬於日內進駐渝城組織援鄂軍大舉東下並催張藻林入蜀增援仍懇日公酌籌旅費俾藻林早日啓行實緝公誼

其二

廣東莫督軍轉楊師長晉覽進密頃得衡州程總司令來電略謂譚聯軍總司令因北軍侵粵必須回顧根本要地業已啟程回永所有桂軍亦一律帶回現在戰綫儘湘軍馬軍一部分懇從速增援等語查前於感日電令該師長接管駐粵滇軍第三師尅期率領入湘以資策應在案現程軍扼守衡州盼援甚切該師長務須遵照前令尅日赴援是所切盼並即電復

其三

韶州李代師長天保覽尤電悉該師業經遵令就職並奉莫督軍兼任南韶連鎮守使職務益加繁重該師長務須認真整理毋負委任現逆軍窺粵大敵當前軍事指揮切須統一駐粵滇軍第三第四兩師應即統歸第六軍長李根源暫行指揮所有第五軍一職即行裁撤除電令李軍長外仰該師長即便遵照秉承李軍長整頓軍隊奮勇殺敵迅奏膚功是所切盼

其四

韶州李師長天保覽保密據電稱該師派盛旅榮超率領十一廿二兩團出發援湘深堪欣慰望即轉飭該旅長督勵前進迅奏膚功切盼

其五

韶州李督辦轉盛旅長榮超暨戰密東電悉該旅長率隊援湘急難熱忱深堪嘉慰此間亦飭聯軍分道進攻湘鄂以壯聲援矣望即率部猛進早奏膚功實所厚望

其六

萬火急廣東李行營李協和總司令李印泉督辦鑒協密協公文電印兄寒電均悉粵中內部糾紛幾同棼絲難理西林業經到粵必能力爲調融此間前已推林爲總裁主席幹老電意亦相同望兩兄敦勸西林毅然擔任秩老悅卿處亦希盡力周旋免致隔闕至北方言和絕無誠意現已四路窺粵我軍應速開發以制幾先此間亦擬派勁旅出湘西互相牽制甚望湘粵贛各方同時動作以收首尾擊應之效昨已通電密商粵中情形仍希隨時詳示

致復援陝川滇聯軍各將領電

成都探送石招討使覽頃接貴陽劉督軍轉據該使迭電請纓東下等情壯志熱忱深堪佩慰本總司令前因岳州戰事復開當即計畫派兵分出陝鄂其出鄂第一第二第三第四各路司令業經委任黃復生葉荃袁祖銘田鍾毅等均已整備出發惟出陝之師尙未委定茲既據稱情殷北伐應即委該招討使兼充滇川黔靖國聯軍援陝第一

路總司令除填發任狀外合先電知仰即遵照迅速整頓隊伍尅期出發收復秦隴直搗幽燕是所厚望

其二

急叙府李勞軍使鑒接二月廿四日函具悉願率部下健兒會師武漢雄心壯志欽佩殊深此間正擬派兵分出陝鄂其出鄂之黃復生葉荃袁祖銘田鍾毅均已次第進行出陝之石青陽亦已整備待命貴部旣情殷北伐希即集中犍爲分道出陝肅清中原在此一舉矣

其三

成都熊督軍鑒威密頃接顏德基電稱奉示陝西尙劉兩代表粵電現已編定兩縱隊先後出發曾縱隊長所部八營由城大進取興安鄭縱隊長率兵八營取道南巴會呂石兩軍直驅漢中德基親率三團援應曾部已陸續開拔請電熊督飭該部由劍廣合力進擊會師南鄭規取西安何時開始攻擊仍電示機宜以便遵行又子彈缺乏已派

隊赴省運濟懇電熊督速發並催呂石兩軍急進以厚軍實而壯聲援等語特此轉達
希即查照辦理

其四

綏定探送顏總司令覽威密宥電悉駐陝北軍節節進逼已據情電請上海唐總代表
嚴切質問矣仍希轉飭所屬各部隊嚴防爲要

其五

綏定顏總司令覽威密微電悉北敵違約增兵急進圖陝實屬破壞大局防礙和平此
間已嚴詰北京務令實行停戰如仍無切實辦法當即停止議和並宣告外交團以聲
北方背約之罪現陝南方面葉軍深入易爲敵乘如逆軍仍未停攻該軍應相機應援
以固陝防是所至盼

其六

綏定顏總司令覽威密陷魚兩電均悉和議開始自應彼此駐守原地靜候解決乃鄂

秦兩省均有增兵進逼舉動殊屬不合刻已嚴電王督詰問矣至曹英南下之說或係謠傳諒非實事

其七

保寧轉顏總司令覽威密真電悉南江方面敵軍節節進逼自應嚴爲防禦以備不虞惟和議現雖停頓然因外交緊急現正力謀維持該總司令既令增兵防堵即應督率所部嚴密防守免爲敵乘萬勿輕啓費端致滋貽誤所需子彈希就近電請熊督接濟也希即查照

其八

綏定顏總司令覽威密接魚電知敵軍又有向我軍進攻之事惟雙方防地接觸如係步哨綫偶有衝突尙易處理希將近情續報再憑核辦特覆

其九

保寧轉顏總司令覽威密接電悉敵軍增兵思逞自應嚴爲防禦以備不虞惟和議現

正力謀維持該總司令應查照迭次電令督率所部嚴密戒備擇要扼守靜候解決勿得輕啓釁端致滋貽誤並將近日敵情隨時探報爲要

其十

保寧陳副司令鑒虞電悉該司令首舉義幟迭克名城川局稍平又復誓師北伐志圖靖國義薄雲天昨接譚毅公電云該司令上年倡義功不自居風節之高尤堪佩仰此間前委該司令援鄂所以期望之者甚殷嗣據各處迭電稱顏陳本屬一軍不宜分割故不得已仍囑該司令與顏君一致進行此中詳情已囑譚毅公轉告該司令夙以道義爲重當能體諒苦衷至此間出陝計畫原定一路由廣元直趨漢中一路由間道出子午谷該部既分駐夔萬一帶希即集中各部由興安出陝直搗長安於大局甚有裨益吾輩仗義興師但求於國事有濟援鄂援陝初無擇也希剴切轉飭所屬各部隊知之實深厚望

十一

萬火急叙府何總司令覽威密前據陝西靖國軍總司令胡景翼曹世英等迭電請接並據陝西代表續相濟薛雲章等面陳陝軍起義血戰經年切盼增援急於星火等語茲已派行營參議姚以价爲援陝東路總司令姚君爲士官同學辛亥改革光復山西去歲來慎派充行營參議其人在北方甚有聲望山陝人尤重之此次出師關中可望羣起響應渝城西商亦籌款贊助軍需既定不日出發惟應酌派基本隊伍擬委廖廷貴爲聯軍東路援陝第二縱隊長段恩膏爲第四縱隊長希即轉飭該員等先行準備聽候後命辦理情形並先電復

十二

遂寧轉葉軍長覽威密感電悉北敵違約進攻迭經嚴電詰責現在對於陝西問題業已議定辦法雙方選派名望夙著人員監視劃區分防勿相侵越靜待解決此間刻正選派代表前往辦理該軍長應仍查照前令固守原防勿輕開釁致貽口實是爲切要

十三

鳳翔葉軍長香石覽威密刪電悉北庭一面議和一面極力攻陝屢經質問置若罔聞茲復嚴電詰責並電上海議和代表嚴重交涉陝事不決即無和議可言望即嚴密拒守靜待後命是所切囑

十四

瀘州趙軍長覽威密江電悉北敵違約進攻葉軍深入道遠援絕系念殊深此間已一面嚴詰北京務令實行停戰一面已電令援陝各路相機赴援矣特此電復希即查照

十五

瀘州趙軍長覽威密親譯新密東電悉所論各方情勢並對付方略極有見地良深佩慰日來時局驟變段氏剛愎自用假借外援運械取款增加兵力種種詭謀是欲犧牲國家以貫徹其武力政策之目的迭據各方報告陝西方面戰事益形劇烈和議雖開將來恐因茲停頓滇黔駐川軍隊實與大局存亡有關應即切實聯絡極力準備補充兵已成立多日原定教練三月即派入川不日即可起行也希即與小齋隨時籌商嚴

密防範是爲切要并將調查情況不時電知爲禱

十六

萬急瀘州趙軍長覽新密漾電悉陝戰方殷川難未已事雖可危而籌備對付萬難稍緩昨電筱齋於必要時量率所部進駐重慶相機策應且擔任鄂西一面指揮責任以符渝城原議藉解川陝之危應需餉項當商熊督竭力籌濟滇黔此後即再出兵必不過五分之三或二分之一持重之論甚可佩也和議復活已另電聞然終未可以爲樂觀也仍希督率將士摩厲以項勿稍氣餒爲盼

關於赴渝會師分援各省致復兩粵各處要人電

萬急南寧陸巡閱使廣東莫督軍貴陽劉督軍長沙譚聯軍總司令襄陽黎總司令荊州石總司令鑒成密前接黎石兩司令電告曹張進攻情形此間原擬先以全力定川即行分兵東下近聞荆襄戰事甚爲激烈已飭熊總司令先撥駐紮夔萬隊伍下趨宜昌以牽敵勢此間並酌派部隊繼續進發特以奉聞

其二

十萬火急南寧陸巡閱使廣東莫督軍孫中山伍秩庸唐少川程玉堂李協和先生汕頭陳總司令上海岑西林先生長沙譚總司令岳州程總司令歸州王團長轉黎總司令公安石唐兩總司令貴陽劉督軍鑾成密頌接頌公敬電又由日公轉來西林先生馬濂兩電敬悉和議現已絕望岳鄂戰事即在目前此間亟應出師互相策應前因川中戰事牽掣師出愆期現在劉逆潰逃成都收復四川全境次第肅清擬先撥靖國聯軍第一軍東下援鄂繼堯亦定於本月上旬由畢啓行進駐渝城籌商大計敬以電達乞賜教言

其三

萬火急南寧陸巡閱使陳總司令廣東莫督軍程玉堂伍秩庸唐少川李協和李印泉先生並轉上海岑西林先生汕頭陳總司令貴陽劉督軍長沙譚聯軍總司令岳州程總司令巴東黎總司令並轉石唐兩總司令遂寧飛送熊總司令重慶黃總司令鑾成

密日公轉來西林先生馬漢兩電均悉昨接月公來電知敵軍復於感日進犯岳州又接京電聘卿秀峯均已免職主戰派計畫已着着實行但未審南京陸馮有所動作否如蘇贛能爲我援助則剷除逆氛此其時矣現在川事告平此間正組織援鄂軍尅日東下繼堯亦准於數日內進駐渝城以便籌商川省善後事宜並爲前方策應知注特聞

其四

萬急南寧陸巡閱使鑾成密宥電悉李督力主調和迄無成效段系之主兵安忍誠非口舌所能爭矣現岳州戰事復開惟有以武力解決此間川事漸定現正組織援鄂軍尅日東下繼堯亦於日內進駐渝城知注并及

其五

萬急南寧陸巡閱使廣東莫督軍孫中山伍秩庸唐少川李協和先生汕頭陳總司令長沙譚聯軍總司令岳州程總司令貴陽劉督軍成都熊督軍歸州黎聯軍總司令鑒

成密前得岳州戰訊當即電飭各軍分兵應接迭據王總司令文華黃總司令復生趙軍長又新顧軍長品珍葉軍長荃等先後電請出師援鄂已電令黃總司令葉軍長先率所部尅期東下其黃總司令所部之袁祖銘一師顧趙兩軍長所先派之田鍾毅一混成旅亦經飭令迅速編定繼續進發特以奉聞

其六

江口陸巡閱使鑒皓電悉大局解決視前方戰况爲衡我軍自應早摧敵鋒促成和局此間援鄂各軍業已分期開援堯准於日內進駐渝城特以奉聞請釋廛注

其七

南寧陸巡閱使陳督軍並轉鈕參謀長永州譚聯軍總司令祁陽程馬兩總司令廣東莫督軍韶州李協和李印泉諸先生鑒新成密協印諸兄魚電悉作戰方略第一二等案計畫周詳極佩偉籌北系披猖蹂躪窺粵自以聯絡韶衡兩大軍急入贛州爲搗虛拊背之計如果實行不特鞏固西南戰局且可經略中原此間亦調集援軍進逼鄂境

以期東西相應遙爲聲援庶可早靖逆氛挽救大局特電預賀矜盼捷音

其八

急廣東莫督軍鑒成密刪留兩電悉承轉示西林寒巧電藉悉北方近狀岳州業經收復南軍退岳辦法似可不必再提請轉達西林酌奪至此間援鄂軍隊第一二路已陸續進發第三四路亦已集中渝城矣各方消息此間所得最遲乞隨時電知至爲盼禱

其九

廣東莫督軍鑒成密微電悉敵人注重長江上遊此間亦經慮及已先派重兵分扼辰沅黔彭一帶以遏敵鋒宜昌方面迭催葉軍速進昨據電稱已由夔府進發計日當會攻宜昌至援陝各路亦飭令由閩中劍閣分道並出以絕敵援惟因劉存厚等現尙盤踞廣元時與北方及陝鄂兩督通電意圖反側此間正謀先清內部故援軍後續部隊開拔稍遲知注特以奉達

其十

廣東莫督軍鑿成密冬艷兩電均悉援鄂各軍均經陸續開拔已飭令會攻宜昌並分出湘西以奉敵勢援陝各軍亦經分別委定惟川中內部複雜正須清整方免內顧印泉接統六軍進卿暫代三師均經先後發表日內計已達到又委任印泉進卿各電均係請尊處代轉不識何處遲延並希一查爲禱

十一

廣東莫督軍鑿成密冬電悉岳州戰事激烈此間已編援鄂軍先派黃復生葉荃兩軍尅期出師其袁祖銘一師田鍾毅一混成旅亦正抽調繼續進發堯准於日內啓行赴渝知注敬復

十二

廣東莫督軍鑿成密冬電悉南雄事極佩蓋籌入贛方針尤欽遠略出奇制勝可爲預期此間援鄂各路已先遣葉軍會攻宜昌將屈得手乃因敵援大增抄襲歸巴黎王所部兵力頗單先行退却以致功敗垂成現仍扼守巫山并飭田鍾毅及川黔各軍分道

增援厚積兵力以圖恢復歸巴進規宜荊爲湘聲援至援陝方面因肅清內部稍有稽遲已迭電催促迅圖進取矣知注奉聞

十三

萬萬急廣東岑總裁伍總裁林總裁莫督軍李協和總司令李印泉督辦汕頭陳總司令並轉譚聯軍總司令譚組庵先生程總司令南寧陸總裁陳督軍鑒親譯新成密閱報載逆軍以全力窺粵已分道進兵此間僻處一隅未悉近况惟念粵省負山阻海爲西南根本要區一境安危關係全局想諸公當有成算必能先發制人滇川黔聯軍亦應同時出師互相接應現擬於陝西方面取助攻鄂西方面暫取攻勢防禦另由滇川黔聯軍編三混成旅合湘西現有湘黔各軍直出湘西進攻長岳爲主攻軍以分敵勢使不能進迫兩粵切望粵贛湘方面各軍約定日期全綫均取攻勢動作並查敵軍進路擇其易於摧破者使之先受打擊以破敵人進攻之計畫並可振作我軍之志氣如何乞即決行並候迅復正譯發間適接雲老銑巧兩電印泉寒電均敬悉敵已分道進

犯即請督勵前敵將士相機進攻至馮旅處已由此間囑湘西軍隊速與接洽並聞又此間計畫望勿宣洩爲禱

十四

廣東軍政府政務會議鑒新成密號電悉此間昨得于君電當經加派援軍分道入陝現葉荃所部已抵興安後續部隊亦將準備出發務與陝靖國軍聯爲一氣以收夾擊之效希即轉知于君以便互相策應早定關中是所切盼

十五

廣州政務會議諸公鑒新成密差電悉此間軍事會議決以主力出陝現已督飭各部分道進發承注奉聞

十六

廣東非常國會趙議員轉陝西靖國軍曹胡兩司令鑒秦密川事擾攘經年僅克底定猥承電賀適增慚慙當川事甫平即編義軍分路援陝乃因劉存厚等盤踞廣元潛謀

反側現正飭援軍掃清北路直出秦川惟會師稍需時日不能不望諸君擗拄耳

十七

廣東非常會議轉陝西旅滬國會議員趙其相先生暨楊李焦杜尙李寇王范馮于張王成張薛周康曾諸先生鑿秦密辱電藻飾媿惡殊深承囑馳援極佩蓋籌此間早已派定石青陽顏德基鍾體道呂超丁澤煦等爲援陝各路司令並飭分道出發與陝西靖國軍聯絡同仇戮力共奠中原矣知注特復

十八

武鳴鈺總參謀長鑿新成密東電悉籌策大勢及攻取方略料敵制勝瞭如指掌欽佩無量此次攻攸大捷逆軍左路完全擊潰中右兩路必受牽動果如尊論所云各軍同時夾擊使敵首尾不能兼顧則大局之平可計日而待昨已電印泉移師分出湘贛黔軍盧旅迅援辰常嶺軍葦荃所部已與黎王會攻宜昌嗣因敵援大增抄襲歸巴後路現正添派軍隊東下增援我義軍堅苦奮鬪必達護法靖國之目的而後已此時無和

議可言也卓見如何幸時賜教

以指揮援助各事致復黔川督軍將領等電

貴陽劉督軍黎威密囑電悉前接張謝電請加入滇黔川聯軍已聯尊名復電承認至酌予名義一節因未悉湘西軍隊情形未便率行發表並已復令酌擬辦法再行定奪聯軍隊伍既多指揮不便繼堯前曾有湘西方面由公指揮陝西方面由錦帆指揮鄂西方面由繼堯督率進行之議且黔軍虛旅長現在辰州與張謝各軍聯爲一氣所請遵奉命令之說我公不必固辭蓋事實如此且可以安湘西各軍之心也

其二

貴陽劉督軍黎春密濼迴兩電悉湘西張田周胡等力量稍薄不無恐慌惟黔軍既到大庸與各軍聯爲一氣守備既固當可無虞昨接田周濼電當將西南各省與西林宥電所擬辦法告之但此事未解決以前仍囑令毅力堅持勿稍鬆懈也張田所需子彈自應酌濟惟五子彈甚爲缺乏九子當可酌撥而行營無存擬請先由尊處撥濟數萬

以後再由滇濟黔較爲捷速粵滬進行如何此間亦未得電香溪何日由黔出發仍希示知爲盼

其三

貴陽劉督軍鑾威密鹽銑皓電均悉設立統一機關事前已於巧電商榷並聯尊銜電
商西林幹卿即照伍唐程電合併辦法以期捷速未審岑陸兩公能同意否岳州失而
復得宜昌日久未下且聞敵軍有抄襲後路之說此間已再催香石復生迅速東下前
據香石電稱已於皓日出師但恐兵力不多黔軍已陸續開赴渝城請催早日開拔繼
堯擬於三五日內由畢啓行惟時機既過擬即逕赴渝城俟事畢回滇再行迂道貴陽
再圖良晤乞轉達諸友好代致歉忱

其四

貴陽劉督軍鑾威密魚電悉尊處所需子彈前經電滇省籌濟旋據復稱存彈無多且
材料缺乏亦經停造惟有勉力撥濟九子彈十萬粵槍林明敦各二萬等語當即復令

九子彈一項除先撥十萬外仍須設法趕造以濟黔省急需並經轉達會處在案茲承電囑多撥十萬目前恐難辦到惟有仍飭廠陸續製造接濟特此奉復即希鑒

其五

萬萬急貴陽劉督軍成都熊督軍重慶王總司令資州顧軍長瀘州趙軍長滇劉師長唐參謀長鑒親譯威密聞逆軍謀封鎖四川專力圖粵查粵省負山阻海爲西南根本要區一境安危關係全局萬一爲敵所制勢必轉而攻川非互相聲援將爲六國之續現擬我軍於陝西方面取助攻鄂西方而暫取攻勢防禦另由滇川黔聯軍編三個混成旅合湘西現有湘黔各軍直出湘西進攻長岳爲主攻軍以分敵勢並催粵贛湘方面同時取攻勢動作以制機先庶可以保持粵局鞏固西南正譯發間適接西林銳巧兩電張逆懷芝已率蘇皖奉贛各軍四路並進月頌協日諸公均擬乘其援兵未集決先反攻等語計日內當已發生戰事我軍進攻計畫尤不可緩至出湘各路擬請統由如公指揮出陝各路請統由錦公指揮堯亦相機前進以便策應各方卓見如何並希

詳籌賜復又我軍此次計畫重在實行望勿宣洩

其六

萬火急成都熊督軍顧軍長鑒威密葉軍長敬電計達所請催田旅運解子彈及將劉團抽調前敵等情事關緊要希即轉飭迅速遵辦切勿延誤事機

其七

萬火急瀘州趙軍長覽威密香石敬電計達該軍攻巴需彈甚急前飭由瀘接濟子彈應即飛速運濟免誤事機至要

其八

萬急資中顧總參謀長瀘州趙軍長鑒^新密上海和平會議開後陝西戰事未停參戰軍又積極增募唐總代表提出陝西實行停戰並撤陳樹藩以及撤廢參戰軍停支參戰借款等事北京均強詞答辯未能容納南方代表之主張以致和議甫開遂復停頓此間以國家多故不宜輕啟戰端曾通電各方維持和議然北方毫無誠意和局恐難

進行迭接軍府來電謂敵軍以全力圖陝窺川聯軍宜速籌戰備前經電催熊督督飭
援陝各路相機進援惟熊督迭次電稱此次和議如果決裂牽動不小故就西南全局
言桂粵宜有援應就滇川黔局部言三省宜爲一致克武鹽電已詳陳敵我情形此時
武部所擔任之廣元青川平武一帶如再充其力量或可協助石軍分擔通南巴一帶
若城口太平武部實難兼顧而該地又適當最弱之點爲陝鄂兩方所合力窺伺者且
緊接夔萬關係不小非及早以滇黔軍得力之一部進駐其間終恐貽誤全局等語此
間曾復以仍照重慶會議分擔任務但敵軍現以全力圖陝情勢稍有不同熊督迭電
所陳亦屬持之有故我軍此時兵力實難兼顧陝西然不稍爲移動亦無以應各方之
責望若至必要時機擬由後齋率一二營進駐重慶指揮援鄂各軍一面對於陝西互
爲策應庶不必改渝城會議之計畫亦可以稍塞熊督之請求如何希酌復以便轉商

川黔

其九

萬急成都熊督軍鑒精密在川滇軍自川中戰事息後原擬團結兵力抽調出師嗣因我兄方事改編內部尙多隱患不能不令顧趙各部分駐資簡內自一帶互爲聲援現聞川北方面鍾張師旅漸就範圍仁威舒劉似亦無別項動作內部收束漸有端倪而敵踞歸巴進窺夔萬東下之師不宜再緩刻擬將滇軍全體移紮瀘前綫以富順爲止其騰出之資簡內自一帶即由尊處派妥適軍隊前往接防庶滇軍得以抽發勁旅尅日東出既可增加援軍兵力亦可調協川中感情實覺兩有裨益尊意如以爲然希即與筱齋鳳喈毓衡就近協商妥爲辦理並盼酌復

其十

百萬急成都熊督軍鑒威密前擬將滇軍移駐叙瀘集中兵力以便抽調出師曾於支日電商在案現鄂西方面急待增援不宜再行遲緩致誤事機茲已分令顧軍移駐叙府江安南溪屏山南六縣一帶趙軍分駐瀘州富順古宋古蘭納溪永寧一帶其駐自井之趙毓衡所部亦令暫行集中叙府俟各軍駐定稍加整頓即行抽調分道出師惟

此時讓出之資簡自內等地應請由尊處另派可靠軍隊填紮免爲匪徒竄踞致滋擾害除分令各軍定期移駐外特此電聞即希查照

十一

萬萬急貴陽劉督軍成都熊督軍重慶王總司令鑒威密錦兄巧電悉湘鄂方面由滇黔軍擔任陝西方面由川軍擔任此間計畫本屬如此自應賡續進行援陝各軍誠如錦兄所云非有統一指揮之人則各路必無出師之日前經迭電出湘各路統歸如公指揮出陝各路統歸錦兄指揮務乞力爲擔任至援陝各路中如李國定等實力單薄未能成軍當由此間電令設法收束前接錦兄電云將軍民兩政交與川中聲望夙著之人迄未識屬意所在茲接電云云擬交與復生接收殊深詫異此間對於蜀事始終望錦兄主持即間有責難之詞亦實出愛護之意卒未見諒夫復何言現曹錕圖粵已分四路進兵劉鍾設行署於寧羗許蘭洲軍已達陝境敵氛甚惡來日大難此後惟冀我滇川黔聯軍併力禦外至川中軍民各政非此間所敢與聞錦兄能毅力維持實所

希望若弃置不顧其責任亦錦兄自負之率臆切陳惟希察納

十一

萬萬急貴陽劉督軍成都熊督軍袁師長楊呂兩司令重慶黃總司令李縱隊長朱余兩參謀長田梯團長松坎探轉王總司令順慶石總司令並轉綏定顏陳兩總司令簡陽顧軍長瀘州趙軍長自流井趙丁兩總司令並轉盧副司令叙府李總司令夔府王團長鑒自川局稍定即次第分派援鄂援陝各軍原冀合三省袍澤以鞏固西南之勢力促進大局之和平乃令下已歷數月而各軍開拔無期坐視長岳失守既無以赴友軍之急難及黎王告急葉軍馳援敵餒驟張歸巴失利此間催促出師之電已不啻三令五申而各軍逡巡相顧不發雖或因肅清內部或因調集需時然前敵待援急於星火卒未聞有一人援桴鼓誓衆而前者此皆繼堯德薄能鮮調度無方以至師出愆期坐長敵餒拊躬循省愧憤交并今敵雖進窺尙難深入但能率一旅之師建瓴而下扼守夔萬恢復歸巴其勢甚順而易若俟敵援大增分道並進則藩籬一決全局動搖其

時即焦頭爛額亦將於事何補切望諸軍韃旅陳師鼓軍而進以周川黔門戶而爲湘
鄂聲援國事安危在此一舉激切之言幸共詳察

會澤靖國文牘卷四勘誤表

頁	數行	數字	數	誤	正
三	三	三	一	捶	唾
一三三	十二		十八	多一今字	無今字
五二	一		十七	鞠	鞠